



SAKSPAPIR

Saksnr	Utval	Type	Dato
94/2021	Formannskap/plan- og økonomiutvalet	PS	23.11.2021
	Kommunestyret	PS	

Sakshandsamar	Arkiv	ArkivsakID
Kenneth Stokke	FE-250, FE-240, TI-&00	21/1452

FINANSREGLEMENT VAKSDAL KOMMUNE 2021

Vedlegg:

Finansreglement 2021

Vaksdal kommune vurdering av finansreglement 2019 Deloitte

Kommunedirektøren sitt framlegg til vedtak:

Vaksdal kommunestyre godkjenn framlegget til Finansreglement frå 2021. Nytt reglement gjeld inntil det vert endra i ny sak. Finansreglementet vert lagt fram for godkjenning i kvar valperiode.

Formannskap/plan- og økonomiutvalet - Sak 94/2021

FPØ - Behandling:

Formannskapet drøfta saka.

Økonomisjef Kenneth Stokke svarte på spørsmål.

Kommunedirektøren sitt framlegg til vedtak vart samrøystes vedteke.

FPØ - Tilråding/Vedtak:

Formannskapet si innstilling til kommunestyret:

Vaksdal kommunestyre godkjenn framlegget til Finansreglement frå 2021. Nytt reglement gjeld inntil det vert endra i ny sak. Finansreglementet vert lagt fram for godkjenning i kvar valperiode.

Saksopplysningar:

Bakgrunn for saka

Vaksdal kommunestyre vedtok nytt finansreglement i 2019. Deloitte, som også var revisor den gang,

hadde først hatt reglementet til uttale. Kommunestyret godkjente reglementet i møte den 17/6-2019. Nytt reglement er ei rullering av finansreglement frå 2019 og det er ikkje gjort vesentlege endringar. Deloitte vurderte finansreglementet i 2019 og sidan det ikkje er gjort vesentlege endringar vert Deloitte sin vurdering av 2019 reglementet lagt ved denne saka.

Ei endring som er gjort i 2021 versjonen av finansreglementet er i punkt 13.1, avsnitt 3. Avsnittet legg avgrensingar på kor stort eit enkeltstående låneopptak kan vere. Dette for å redusere refinansieringsrisiko og for å ha midlar ved ei eventuell innløyising/manglande tilbod om finansiering.

Formelt grunnlag

Kommunelova

Forskrift om økonomiplan, årsbudsjett, årsregnskap og årsberetning for kommuner og fylkeskommuner

Vurdering og konsekvensar

I finansreglementet står det både om dei avgrensingar som kommunen har for plassering av midlar og korleis rapporteringa til kommunestyret skal skje. Reglementet seier også noko om opptak av lån og kommunedirektøren sine fullmakter på dette.

Kommunedirektøren har i reglementet fullmakt til å ta opp fleire typar lån samt å underteikne lånekontraktar. Dette skal gjerast etter konkurranse og det kan brukast ekstern rådgjevar.

Andel aksjer/aksjefond er ikkje endra frå 2019 reglementet. Det var i 2019 eit forslag om å kunne ha ein moglegheit å auke aksjeandelen til 30% dersom det var fornuftig i markanden. Men det vart ikkje vedteke. Det var ikkje lagt opp til at kommunen skulle leggje seg på dette nivået fast men det er ein moglegheit kommunen kunne ha. Den anbefalte strategien for aksjefond skulle fortsatt vore 20%. Det er ikkje innarbeida i 2021 versjonen å endre vektinga på aktiva sida frå det som vart vedteke i 2019, men det er eit punkt som kan vurderast politisk.